

國  
朝  
奏  
疏

國朝奏疏卷十九

蕭山 朱鑑雲

武備

軍政後

議太湖分營巡防

考察駐防哈密官兵

議裁撥浙省官兵六事

議散補漢軍兵丁五款

請移滿洲蒙古兵五要

酌留涼莊移兵

陳大受

永常

喀爾善

巴棟

同前

同前

議考校武員章程

楊安棗

議裁撤陝甘防兵

同前

議甘省添兵事宜

同前

議陝甘兵儲

同前

查覆兩粵狼兵投田原委

蔣攸銘

通籌粵東營制

同前

脩陳太湖情形疏 乾隆十一年

江蘇巡撫降二級留任 臣陳大受謹

奏為脩陳太湖情形敬抒不議仰祈

睿鑒事 竊照太湖為東南巨浸跨連江浙兩省周達數百里湖濱接

壤江南則蘇州府屬之長洲吳縣吳江震澤常州府屬之  
無錫陽湖宜興荆溪浙江則湖州府屬之烏程長興等十  
邑其水源發自天目經杭湖常三府地界總匯於湖支流派  
別曰淩曰澆曰浦曰門曰口者不下二三百處宵小易於潛蹤出  
沒至湖中之山亦發脉於天目起伏環結自西北迤邐而至  
東南所指名者七十有二而馬跡蹟峙湖之北隅周二百餘里

支分二十三灣。居民萬餘戶。西洞庭居湖之中央。周七八十里。支分三十餘灣。居民亦萬餘戶。東洞庭在湖之東南隅。周五十餘里。支分二十餘灣。民三萬戶。田畝畝甚少。蘆蕩果園鱗次栉比。鄉里之間。衢巷曲折。雞犬相聞。邱垆繁庶。而湖途迤西一帶。宜與諸山綿亘。最為險遠。通逃竄匿。其間往來入湖者。行旅之害。此太湖水陸之形勢也。防範之道。以會哨巡緝為第一要務。滿查舊制。先設江浙太湖營遊擊一員。駐劄西山。居中調度。兼轄兩省湖面。雍正年間。江南添設叅將一員。駐劄東山。將先設遊擊專隸浙江各分疆界。管理。維又將太湖同知移駐東山。兼司督捕。所以措置頻煩者。因該處為

澤國要區。縱當無事之時。不可不長慮却顧也。目前有  
據馬。全湖汎守。原係一局。太員總轄。則叶左。是而責成專。  
分員各管。則推讓多。而緝捕懈。此必勢之必然者。況大湖  
江浙分界處所。不過就湖面約計。非如陸路之可以定立確  
界也。偶有失事。或以地界未清。彼此互讓。各自通詳。上司咨  
移會勘。動至數月。未免岐誤。且江省泰將。僅駐湖東南  
之東山一隅。所轄沿途湖境遼闊。頗有鞭長不及之虞。浙省  
遊擊駐于西山。乃江南之地。而所管係浙江之汎。亦覺參差  
伏查浙閩交界。所設楓林營。係兼管兩省汎地。閩粵之  
南海鎮。亦兼閩之街。分汎防守。且愚以為。應將太湖營

恭將裁改專設副將一員兼江浙之銜統轄全湖駐劄西山  
居中控制其遊擊員改為都司同原設之守備千把各  
官分防各汛仍照江浙原舊地面管理調考官兵支領錢  
糧等項均照分隸兩省舊制衙署不必更改廣備所增  
甚微如此則責任專一聲勢聯絡可無推諉懈弛之患  
似于經理之方更有裨益臣既有所見理合恭摺具奏伏祈

皇上睿鑒可否

勅下江浙兩省督提諸臣再妥酌議覆請

旨遵行

請考察駐防哈密官兵

安西提督卬永常謹

奏

為請將駐防哈密官兵亦照北路軍營之例于班流四營之時考察勤惰分別等次造冊咨移以示鼓勵以裨防務事。臣竊查哈密防兵例派叅將二員都守四員千總八員把總十二員外委兵丁二千名二年一次分班更換更換之歲在于南安甘涼肅四提鎮營均勻分派四月內更換一半五八月內更換一半新舊相間以資教習官兵抵防之後若有缺出即在防所官兵內遞相接補歷未辦理原俱妥協無須置議但查哈密防所軍務閏重派往之官



兵戶等司營員皆係慎重加挑選官則必取年力強壯熟習戎行之員兵則必挑漢仗精健黽勉勤慎者方敢汰發以益防務該官兵平素仰荷

皇上養深恩至優至渥得以赴防稍效奔走誠屬踴躍從事

趨將恐後惟是防所全局專仗卡倫該官到哈更須選擇十分精細之人方令分班赴卡坐守瞭望哈寨各卡設在天山一帶並郭壁邊境天山乃極寒之地陰多晴少所作卡倫均于山头晝在潛身遠瞭夜則伏路靜听夏被雨水浸淋冬乃伏居冰雪之中且曾經兩至各卡目擊其苦為之挖坑苫蓋俟稍可遮蔽身體然內濕外寒晝夜

不息勤苦日甚所以踴躍赴防甘此勤苦者多思上進以圖一  
命之榮今防所出遇五故缺出可望超擢奈防員無幾未班  
不得一缺既無以示鼓勵為該兵覓勉之地且本營遇有缺  
出又因該兵遠在駐防不能擢用迨至二年班滿回營或在所  
知之本官陞遷可改或其所知之提鎮陞調他往新到之官不知  
該兵之能否遂至所有之材徒遺其志氣而自抱老于卒伍之  
嘆目思及昔在古北提督任內竊見直隸宣化等鎮派往北路  
駐防官兵於班滿回營例由軍政大臣考察其在防之勤惰念  
看其所負之材技分別等第優劣列為頭等稍優者列為二  
等平庸者列為三等造冊報部由部記檔將冊咨移該督撫

提轄發該本營。俾其遇有官弁缺出。卽將註冊之頭二等官  
兵。以次與在營分例。在拔之官兵。相間擢出用。寓选拔于考  
拔之中。俟兵丁咸有上進之階。得以努力奮勉。實屬鼓勵防  
兵之善法。令哈密防兵。亦同一律。獨此例未行。似非仰体我  
皇上軫恤勞人。一視同仁之至意。用敢冒昧。陳叩懇

天恩。情特哈密防所官兵。嗣後于班滿回營之時。亦令駐哈鎮。仿  
照北路軍營之例。將其在防行走勤惰。慎加考察。分別等第。  
造冊咨移。由戶再加詳慎。秉公勘定。核實報部。記檔轉發該  
營。亦照直省之例。核據錄用。則西北兩路軍營。多例既皆盡  
一而該官兵。將未聞有征防之。必愈知踴躍奮勉。殊于軍務有裨矣。

議裁撥浙省兵六事 乾隆十九年

閩浙總督臣哈爾吉善浙江巡撫臣雅爾哈善謹

奏為請裁酌省之官兵酌增衝要之營伍俾官無冗設兵归實用  
以節糜費

國家設立官兵必官有難手以旁貸之職守兵有汛防護守之專  
責斯官無冗設餉不虛糜若職任佚可兼辦兵力並無虛  
司亟當裁省無益之官兵以归有益之用臣等伏查浙省

海疆。役前並未設官兵。遇有應修工程。由地方  
官辦理。南岸塘工。則為寧紹台道。北岸塘工。則為杭嘉湖道。  
統轄。迨康熙年間。海潮直趨北大壘。杭郡仁和海寧二縣。  
濱海地方。日受衝噴。勢甚危險。我

聖祖仁皇帝

世宗憲皇帝。屢遣重臣。指授方畧。不惜百萬帑金。興築鉅工。俾  
禦洪流。保全郡邑。數十年間。成亘古未有之大工。然此時並  
未設官兵防復海塘也。雍正八年。始行題額。准為設海塘  
同知。並設海塘千把總。暨兵二百名。委司經營夫役。

欽差大臣等奏准。增設海防兵備道員。增設同知通判。並設道標左

右二營守備各一員千把外委及兵八百名。連原設兵二百名。共一千名。皆于塘工人夫內挑選壯健諸練之人補額。蓋因石塘并添築宗工各塘之際。工鉅帑繁。不得不特設官兵。以資責成。六日時制宜之道也。自我

皇上

御極以來。潮勢日漸南趨。大工以次告竣。乾隆十二年十月內。海潮衝刷中小壘故道。嗣是江流海潮。盡歸中壘北岸。仁海二果塘工。相去水道十餘里。至數十里。向以險工不成平坦矣。彼時按臣方觀承。因海潮漸趨南勢。廣南岸紹郡塘工受險。會同戶部爾吉善具摺奏。將防營官兵。掣調一半。歸南岸防護汛守。并將紹郡海塘工程。責成紹興府水利通判經營。

在案。緣海潮初走中小疊。勢尚未險。將來汛守修防。或南或北。或繁或簡。未可懸定。故也。茲臣喀爾吉善。自乾隆十二年蒞閩浙之任。臣雅爾哈善。自乾隆十六年蒞浙。按之任。從經熟歷者已數年于茲。凡南北兩岸土石柴工。與修防汛守机宜。並江流潮汐往來衝刷情形。隨時留心。隨處俾營脩繕端委。竊見先後添設之海防文武官兵。實有宜于裁製更改者。等查浙省海塘道廳官兵。原係仿照河工廳汛文武之例。設立防汛。但該工官兵一年挑代秋凌四汛。時必須防檢修守。若海塘則當潮溜通塘之時。每日兩朝。皆有衝擊汕刷之患。以康熙雍正年間。海寧一帶

塘工交險，非人力所能捍衛。迨至潮勢南趨而後，塘外漲沙，綿亘二三十里，不特每日兩汛并不到塘，即伏秋大汛亦去衝壩。塘工之亟至于南岸土石各塘，去潮湍更速。惟山西三江二閘，以及宋家樓石工，潮汛沙尚有到塘之處，為地去幾，其餘則塘外沙坦，成膏腴，桑麻廬舍相望，徒云潮湍抵塘之亟，是現在兩岸所設官兵，防無可防，守不必守。實乃沙工汛之須防，時宜脩者，迥不相同。以臣等詳察情形，核撥與論，海塘官兵，非特現在湍急中小壘，南北兩岸毋庸汛守，修防官兵，亦宜裁減。即遇潮湍逼塘之時，需官兵汛守，亦以應此康熙雍正年間，暫時調集督辦鉅工，毋庸經制額設。



虛糜帑項。若以南北兩塘、綿亘連湖、土石各工、攸關素重。就其形勢、止須專設所員。照河工按里設立堡夫、修守提防之例。休康熙年間舊制。統以就近道員督率調度。既為南洋慎重。所有續設之道標官兵、亟請裁革也。至杭州為省會重地、杭協城守水師兩營官兵、為汛守之師。有地方官之責。兩營額設兵丁一千五百餘名。其數不為不多。無以分防水陸八景地方。實屬汎廣。兵單駐劄省城內者。僅副將一員、城守都司一員、把總外委各一員、馬步防兵四百十餘名。省城內各衙門防守倉庫監獄、以及護解餉犯、防守水陸城門、皆城守事責。僅藉步四百餘名官兵。撥充差

使奔走不遑何能按期操演且省全五方難處奸匪盜賊  
全藉城守員弁巡邏緝捕省城周遭三十餘里僅一副將  
一都司一把總額內失彼實有地重員少之患又乍浦水師營  
駐劄乍浦原設水師參將一員守備一員千把總三員水戰守  
兵四百八十餘名決處逼近黃盤大洋乃江浙外洋扼要之  
衝巡遊防汛已屬責任綦重自乍浦設立滿營水師一切  
修造戰艦配製軍火器械皆多責該營將備經營差  
務倍加繁重僅一守備例應帶領兵船把守洋面跟隨  
守鎮舟師操演易參將輪流出洋一將一備實覺任重責  
大竭蹶不遑臣等酌量于輕重緩急之間誠宜裁撤可

皇上陳之

省之海防道標官兵。卽以之酌撥抗卡二營。況廣兵單。差繁員少之地。化去用為有用。以裨省會重地。海口要區。所  
有。應行酌量裁改分撥。亦宜。且等謹條分條晰。敬為我

一 道員請裁南北兩岸海塘。應就近歸併經理也。查海塘南北  
兩岸塘工。近者相隔海面二三十里。遠者相隔海面一百里。兩  
岸工程。各不相顧。非若河工南北兩隄。呼吸相通。應領彼領步  
者也。海防道既請裁。伏北岸仁和海寧海鹽平湖四縣境內  
塘工。悉屬杭嘉湖道管轄。地方巡道。務尚簡。且四縣塘  
工。皆在駐劄地方百里內外。應照康熙年間之例。歸併為官

其南岸紹興府屬蕭山山陰全稽三縣土石塘工所更較北岸  
減少寧紹台道駐劄寧波巡查來往海塘皆必經之路南  
岸工程應請照康熙年間之例為併寧紹台道兼管兩  
巡道皆應兼海防字樣所有海防所汛等官均歸兩巡  
道分管以專責成其杭嘉湖寧紹台兩道歸併海塘字  
樣務往來巡閱工程塘務費用不無加增每員必于裁  
汰海防道養廉內各加增養廉兩銀五百兩以資辦公  
海塘同知通判宜更定分管疆界也查北岸塘工自八仙  
石起至戴家石橋止計八十五里零向歸海防通判經營自戴  
家石橋起至九里橋止三十八里向歸西防通判經營自九

里橋起至浚仙嶺止四十九里向歸東防同知經營其南岸塘工于乾隆十二年奏准歸併紹興府水利通判經營今北岸土工石築塘悉皆鞏固止須防守其西與築在清將八仙石起至戴家石橋止八十餘里塘工歸併西防同知經營其自戴家石橋至浚仙嶺止八十七里塘工仍歸東防同知經營浚仙嶺至江省交界仍歸乍浦同知經營統歸杭嘉湖道管轄至南岸紹郡塘工今該府水利通判兼管終非專員應將北岸海防通判改為南塘通判移駐紹郡三江城即將乾隆十二年改設之右營守備衙署酌加增修改為通判衙門歸寧紹台道管轄調度至凡有塘工各縣所役之

巡檢典史各按所管地面分所管理塘工查點堡夫照河工  
文取汛官之例聽同知通判查核差違俾佐理有員去煩  
此失彼之虞

一南北兩岸塘工清酌改兵丁為堡夫專司守看也查兩營原設  
馬步守兵一千名內有僅諳修防不習弓馬技藝者應請守  
兵內挑出四百名改為堡夫照南河堡夫之例在堡看守凡  
土石築工一有弊端毋缺該堡夫印刻稟報所管捕巡捕巡轉  
報所覓查明以憑小冊換所員立即調集附近堡夫修砌  
完固以必須動帑修築即通報勘估查北岸工長二百八十  
九里零工程較重應請設堡夫三百名二里夫並酌立夫夫分

司管束南岸工長二百餘里平穩者居多。應請改設堡夫二百名。于塘工給與堡房一間。除原建有堡房外。其應添建之堡房。即將裁撤兵房變價改建。至堡夫月給錢糧。查南河定例。每夫月給工食銀五錢。又于堤內發給淤地十五畝。以資耕食。今浙省南塘內外漲沙。均經民竈承墾。並無隙地可撥。應將南塘堡夫照守糧月給銀一兩。不給月米。所需錢糧。即于裁撤兵餉撥給。

防兩營裁撤官兵。應分別撥歸杭乍兩營。以裨要地營伍也。查海防營額一千名。除于守兵內改為堡夫四百名外。尚餘馬戰守兵六百名。應請撥歸杭協城守營。式三百名。內馬兵

二十名、步戰兵六十名、守兵一百二十名、撥歸乍浦水師營一百名、內步戰兵三十名、守兵七十名、尚餘馬兵四十名、步戰兵七十名、守兵一百九十名、共三百名、均行裁汰、其撥歸杭乍兩營兵額、所有海防營原存一切軍裝器械、以及口糧生息、俱按額兵數目、各歸改撥營分、入額造報、其兵營房、亦符原有各處兵房、變價、令各營酌量添購、造給兵棲止、改撥汰兵丁六百名、內有年力既衰、不能學習弓馬水務、情願告退歸農者、听其歸農、其年力精壯者、逐一批驗、請覈水務、撥歸乍浦水師營、其諳馬鎗砲等技者、撥歸杭協城守營、入伍差操、至應裁汰兵三百名、除自願告退歸農外、其現存



額兵暫歸杭協守額于近省杭嘉湖紹四府屬各營內遇馬步守兵有缺額應行募補者卽於寄額兵內撥往頂補陸續將裁汰兵糧開除毋庸募補

杭乍兩營添撥兵丁左增設弁備以符營制也查杭協城守營僅一都司省會城垣倉庫奸匪盜賊巡查實屬全員應請將現裁海防左營守備改為杭協城守營中軍守備駐劄省城毋都司分任巡查地方其乍浦水師營原額并現請添兵丁額幾及六百名分爲左右兩營應請將原設守備改為左營守備仍兼恭侍中軍其裁撤之海防右營守備改為乍浦右營守備均仍額兵列爲兩營遇出洋遊巡標

漢以及扼守洋面兩營守備。遙相輪流。以一員長駐乍浦口。稽查地方。操演兵丁。乍浦參將。每年仍兩次出洋面稽查勤惰。綏靖海洋。其海防兩營。原設千總四員。應以一員撥歸杭協城守營。以一員撥歸乍浦水師營。原設外委千把總十六員。以四員撥歸杭協城守營。以四員撥歸乍浦水師營。亦驗其人材技藝。宜于水師者。改入水師。宜于陸營者。改入陸營。俾不至用違其才。其餘千總二員。把總四員。外委八名。均行裁汰。內有年老不能學習弓馬水師者。听其告退。歸農。其年力壯健。弓馬勇觀者。留于本省各營內。遇有千把總缺出。卽行援補。

一海防官兵裁剩經費。合併塘工經費。以資撥用也。查海塘經費。每年並有題定撥用費一萬餘兩。為歲修之用。但遇有修築工程。經費不敷。仍須題動正項。今海防道員既請裁撤。每年裁省養廉俸工役食。司兵四百名。改為堡夫。節省月費。並裁汰馬戰守兵三百名餉米。約計每年裁省銀一萬兩。清將支剩裁省各項銀兩。歸入海塘經費案內。以資歲修。則經理裕如。即有修築工程。亦無庸更動正項。

以上各條。均等於海防添設官兵。每省乍要地營制。熟察情形。再四籌酌。實有宜于因時損益者。不揣冒昧。斟酌交通。俾官兵去虛糜之惠。要地受巡防之

益印海塘經費從此充裕亦有脩無患矣是否可  
採伏乞

皇上聖鑒訓示施行

議散補漢軍兵部宜疏 乾隆二十八年

涼莊將軍臣巴祿陝甘總督臣楊應琚謹

奏為遵

旨会同詳議具奏事乾隆二十八年正月十七日承准

廷議內開查現今涼莊駐防滿洲蒙古兵移駐伊犁其餘漢軍兵二千即不成部伍其漢軍既有出旗為民之例請飭交該將軍核督或令出旗為民或調補綠營俱聽其自便奉

旨依議旨已錄旨楊應琚悉心籌酌除滿洲蒙古兵携眷移

駐伊犁之處現已詳議條款另摺具

奏伏查涼莊現駐漢軍兵丁係同滿洲蒙古兵丁俱由

西安移駐之防今計現任協領以下驍騎校以上並候記名休致等官共三十六員領催三十八名馬兵六百二十七名砲手十七名匠役頭目二員名匠役二十二名步兵二百

陸十八名養役兵三十二名共計兵糧千六名蓋自經移駐  
以來幾及三十年茲生較前繁盛仰蒙

恩旨令其出旗為民或調補綠營糧缺聽其自便戶楊應瑞

前在兩廣閩浙任內查辦漢軍出旗業經辦有成例今冊  
目已祿印行仿照閩廣已定章程詳細奏酌臚列條  
款恭呈

聖鑒

一散處為民之戶應令定其所往省分給冊印票也查漢  
軍官兵內如有情願散處為民之人應准其呈明所往省  
分州縣今涼莊地方官照例給冊鈐印手票交所往之

處編入民籍與戶民一体考試。配立業誅生仍將為  
民戶口造冊咨明部旗以備查考。

調補綠營兵左在附近營分酌補也查漢軍兵丁內  
有情願調補綠營糧缺之人自應于附近營伍內遇有  
兵糧缺出分缺挨次輪補俾該兵不致在旗日久守候  
而于綠營民兵餘丁挑補之路亦去妨礙始為妥協今  
臣等查得甘肅標陝甘二提標及陝隄屬之靖遠協與  
寧夏涼州西寧肅州河州等五鎮暨所屬各營俱坐  
落甘省境內凡有願調綠營之人均可就近調補以該  
兵在旗原係領催馬甲并有馬之匹役頭目俱令改補馬

糧若原係步兵區兵養役兵俱令改補步糧并查陝甘二  
提涼南二鎮經前督臣吳達善

奏准改為馬六步四以遇馬糧缺出陸續相間裁汰改募步兵  
等因今應將此等改裁馬改步營分遇有馬糧缺出酌擬以  
四缺為一班第一缺坐補軍營著有勞績移咨拔補之步守  
兵第二缺裁汰改步第三缺補放出旗步甲第四缺拔補  
存城步兵其並去應裁馬缺營分遇有馬糧缺出以三缺  
為第一班第一缺坐補軍營步守兵丁第二缺補放出旗  
馬甲第三缺坐補存營步兵至陝甘二提標並各守兵遇  
有步糧缺出應以三缺為第一班第一缺補放出旗步甲第



二缺拔補軍營及存城病故兵丁子弟其餘有守糧各營分遇步糧缺出應以三缺為第一班第一缺坐補軍營守兵第二缺補放出旗步甲第三缺拔補存城守兵及病故兵丁子弟均週而復始按次拔補以示均平仍將此等調補綠營之戶亦令地方官給與鈐印手票並造冊咨明部旗存案其子弟食糧應試婚配悉照散處為民之戶一体辦理

一 給賞項川廣

皇仁也查閱奏

奏准漢軍調補綠營此綠營原有兵房者每兵賞搬移銀二兩無兵房者賞賃房銀六兩其搬移他往之窮苦閑散

戶口。每戶賞資本銀八兩。又河省

奏

准調補外標營之甲兵。除搬移賃房銀兩。仍照原議分別賞給外。其家口按其多寡。每名口每百里陸路給賞銀三錢。各在案。今涼莊調補綠營甲兵。並旁苦閑散戶口。均請照此分別給賞。至如涼州甲兵調補涼州鎮標。暨城守營。以及莊浪兵。調補莊浪營。均無需路費。止分別賞給搬賃屋銀兩。其調補外營標者。則程途較遠。攜眷前往。需費即多。請照例除分別賞給搬移賃屋銀兩外。仍按其家口多寡。每名口每百里。酌給銀三錢。以資腳力路費。至此項銀兩。並請在司庫內不拘何項。先行給發。待奉 上旗截贖項下撥還。歸

款

一請給還馬匹以示優恤也查閱廣出旗甲兵每兵自立馬三匹業經奏蒙

聖恩准其領回在案今涼州又同一例應請一併

加恩給予領回俾移不致拮据蓋必永矢銜結

一出旗官員酌請分別改補也查閱省出旗章程現任官員自防禦以上送部引

見候

旨另補馳驍校各庸送部卽以綠營千總改補革帖式情願改

武者考驗弓馬以綠營千總把總補用清字外卽已滿八

年與筆帖式由清字外叩考取。歷俸已滿八年者，均咨部以果丞補用。又粵省候補筆帖式，并記名領催，均以綠營經制外委補用。各在案。今涼莊出旗官員，亦請照例。分別辦理，俾得乘時效用。再查乾隆八年定例，漢軍改隸民籍，世職准其帶往，歸入漢人班次補用。其進士舉人生監及候補、候選、降調官員，並捐納職銜人員，應照伊等職銜，與漢人一體考試錄用。等語。今涼州出旗人戶內，應請查明現有職銜，照例一體辦理。其內以原任降調副都統仍帶騎都尉世職陳世泰，係由大員降調，應以何錄用。容目已錄給咨送部引。

見恭候

欽定以上各款目等再四商酌意見會同謹合詞恭

奏伏乞

皇上睿鑒勅議施行

議移駐滿洲蒙古兵不宜疏乾隆二十八年

涼莊將軍臣巴祿陝甘總督臣楊應琚謹

奏為遵

旨會同詳議具奏。臣等竊惟我

皇上自奠定新疆以來。一統宏遠。外之規。萬年協。大同之治。自巴里坤。以迄伊犁等處。俱成內地。允宜迭移精銳。以相寄重。股肱茲蒙

聖主為兵丁營樂利之謀。為疆域永苞桑之固。今將涼莊滿洲蒙古兵。携眷移駐伊犁。俾得熟習技藝。俱成勁旅。仰見

睿慮宏遠。

恩鑒周詳。臣已據於接准

廷議之後。即傳集官兵。宣布曉諭。一面

奏明。於正月二十五日。自涼州起程。于。月初七日至肅州。將一切

應辦事宜。會同日揚。應瑞。悉心籌酌。伏查涼莊現駐滿洲蒙古官兵三千三百餘員名。係由要西安移往駐防。迄今幾及三十年。仰蒙

深恩養育。其丁口滋生日甚。計本身連家口共一萬七千餘名。口今已定議移駐伊犁。道路迢遞。家口繁重。凡製辦行裝。沿途應需車馬盤費等項。自應按照定例。奏以旗兵現在情形。詳細妥籌。俾官兵長途不致拮据。而於

帑項又得<sup>樽</sup>拮据。戶等謹酌議條款。恭呈

聖鑒

一、應需俸賞。查向例官兵派撥出口。俱給與俸賞銀兩。以資製

裝之用上年派撥察哈尔兵一千名連家口發往伊犁駐劄  
經軍機大臣

奏准官員賞給一年俸銀兵丁照換防索倫兵每名賞銀二  
十兩之例酌量稍為加增將製裝銀兩各加十兩賞給伊等妻  
子伊等本身仍各賞銀二十兩在案今涼莊滿洲蒙古官兵  
携眷移駐伊犁亦同一例應請仰照前例官員各按品賞  
給一年俸銀兵丁每名本身賞給二十兩外加十兩賞給伊等  
妻子共賞銀三十兩至官兵跟役並請照例每名賞給二  
兩以資製辦行裝

一 應需馬匹車輛查官員向俱設有一身例馬馬兵亦有額



設本身自立馬匹。今移駐伊犁。令官身兵本身及跟役俱以原設馬匹乘騎。毋庸另議。外惟步兵並無馬匹。請照例自涼莊至哈密。每二名連跟役給車一輛。其自哈密至伊犁。應需換給馬匹之處。查本年戶部左部會同尚書。戶部貴慶奏綠營兵丁換班。宜案內酌請兵丁自哈密至防所。應需駝載駝隻。折給價銀。听其自備。俟到防後。分別道路遠近。將路遠之庫車。以西及伊犁。繳還十分之三。分作二年坐扣。庫車以東。各處減半扣繳。分作三年完項。在案。今前項步兵。自哈密至伊犁。酌情每名給馬一匹。而照前例。每匹照依定價折給銀八兩。無論馬匹驛驢。听其自行購備。其跟役脚力。並屬

另行倫及俟至伊犁仍令繳還十分之三分作二年坐扣。應辦理較為簡便。至官兵眷口內多婦女幼稚必須給與車輛乘坐。查上年安西提標前後二營官兵携眷移駐烏魯木齊案內其眷口無論合大小每三名給車一輛。今前項官兵所携眷口自涼莊至伊犁亦請無論大小口每三名給車一輛。惟是滿營官兵所帶行李鍋帳較多迥非綠營情形可比。今只照例給車乘坐其一切行裝實屬難以携載酌請每戶再量為添給車一輛俾得裝載行李鍋帳等項。以及使恤左需盤費。查上年安西提標移駐烏魯木齊官兵眷口係照從前內地移駐安西兵丁搬眷之例每百里每大口給盤費

銀一錢二分、小口六分、今涼莊滿營官兵移駐伊犁、其眷口所需盤費、應照前例支給、至官員、今身仍照例按品級支給、蔬菜銀兩、並照、應帶跟役名數、每名月支蔬菜銀五錢、兵丁本身、月支蔬菜銀一兩五錢、其兵丁所帶跟役、因係全家搬移、其中或有一兵跟役至二三名者、茲不便按名支給、蔬菜銀兩、若查照前例、每兵二名、令給跟役一名、實屬不敷、酌請每兵一名、無論所帶跟役多寡、止准量給一名、月支蔬菜銀五錢、其官兵暨跟役、仍每名各日支口糧八合三勺、至官兵所帶跟役、現既議給蔬菜口糧、不應復請支給費盤費、茲

滋重複

一 應需鍋帳查哈密連西各站並去旗舍官兵墜口至彼之後沿途住宿鍋帳在所必需查上年察哈爾移駐伊犁兵丁經軍機大臣

奏准每戶給帳房一項折給銀四兩鍋一口折給銀二兩在案今前項兵丁携眷移駐伊犁應請照例一律折給鍋帳銀兩令其自行製備其官員應需鍋帳亦請照例按品折給以資住宿

一 經行道路查前項官兵携眷移駐伊犁業經

廷議俟明歲起作為三起每年移駐一起自應遵照辦理其應由何路行走之處查自巴里坤以至西烏魯木齊尚未

設有臺站。現在新疆往回官兵俱由闐展一帶經行。今前  
項官兵自涼莊起程。行抵哈密之後。亦即由闐展烏魯木齊  
臺路前赴伊犁。庶沿途便以照料。以上各款。臣等再四詳  
細面同商酌。實見食同謹合詞恭摺具

奏伏祈

皇上聖鑒。勅議施行。

請涼莊移兵酌留疏 乾隆二十八年

涼莊將軍臣巴祿陝甘總督臣楊應琚謹

奏為據實密奏仰祈

聖鑒事竊臣等接准

廷儀令將涼莊滿洲蒙古兵丁三千三百名携眷移駐伊犁等

因除現在將移駐各項事宜詳議條款另摺具奏請

訓示外臣等伏查伊犁地方田土沃肥水草豐美兵丁遷移至彼已

於生計有裨且有行圍打牲地方堪以操練技藝洵為聚

強兵之盛舉是以臣巴祿於宣布

諭旨之時官兵靡不踴躍惟是料理遷移需用繁重凡移往兵

丁必須人志精強。斯於新疆地方有益。而錢糧亦為實用。今查涼莊滿洲蒙古兵丁。自移駐以來。幾及三十年。其中有年老殘疾。家無次丁頂補。不得不仍留錢糧養生者。更有兩代或一代寡居。家無成丁。不得不將幼子挑補甲額。以資養贍者。此等甲兵。現在涼莊。並于營伍。未有實益。而

國。亦曠典。念係滿洲世僕。是以優給錢糧。養贍。今若一併移駐伊犁。亦仍須仰賴

國家養贍。而自涼莊至彼。程途遙遠。轉須多糜

帑項。料理資送。未免重複滋費。且自外尚有本身強健而父

母年老殘廢。難以長途携同移駐者。凡此數項。俱係實情。

目等身任其地已悉此情形敢不仰俸

聖任

悉心詳籌期于妥協竊思目等老疾孤寡幼稚之戶移駐

伊犁既無實用莫以酌量存留以節迁移之繁費且各該  
兵丁自蒙

皇上

特恩遇有病故准其在外埋塋並為無力之人動項置地營塋

以來伊等卒皆立有坟墓難以動移又不忍拋棄地若酌留有人

則凡移駐伊犁官兵亦可將坟墓轉托照料更心無牽挂

果于前往實于公私交有裨益目等公同詳細商酌應請將

應移涼莊甲兵三千二百餘名之內查有別項年老殘廢

孤寡幼稚之戶酌留五百名統歸于涼州駐劄並于每兵額



設馬匹內裁去二匹以省供支並照山東海州駐防設立城守尉歸青州副都統管轄之例將協領改設城守尉一員其餘應需官員按照營制酌留就近歸寧夏將軍統轄以資移駐之兵悉皆精銳既足以在新疆之營伍而

帑項亦不致虛糜目等愚見以斯是否可行出自

聖裁、  
洋目等所敢擅便

分別武員考校疏 乾隆五十六年

協辦大學士兩廣總督臣福康安謹

奏為遵

旨酌議分別武員考校章程仰祈

聖鑒事竊照戶部准部咨軍機大臣阿桂等議奏浙江提督陳杰奏  
浙江省弁兵限于考校不能得人一摺應請

勅下兩江湖廣兩廣陝甘雲貴及福建各該督咨會該提督等仍就  
近考校之處各行具奏到日再行細心核擬以為畫一遵行知  
到臣等伏思

國家設官分職文武並重行伍為儲才之地末弁有進身之階

校拔公明。戒行自飭。前蒙

皇上勅令。廷臣議給武員養廉。更定品秩。并為

垂念弁員等官。卑祿薄資。弁維艱。今俟陞至守備。到任三年後

方行送部引

見

鴻恩。優恤渥矣。以復加茲復

勅令各省撫督。籌議就近考拔弁兵。以節勞費。

聖慈。體恤尤為入細入微。自宜欽遵辦理。查廣東廣西兩省水陸

營制。恭布星羅。額缺多於他省。各鎮協考拔千總外委及

額外。委向未遇有缺出。俱由該營將領遴選合例弁員。呈送

提督考驗給咨轉送戶衙門覈考通行拔補分別咨部給委赴  
營任事自滋寧以來于考核一以加意慎重每出缺先儘出  
師打仗奮勇之人次俟捕盜出力著有勞績者予以拔補以各  
中項人員則以年分之先後察看才力之優絀按次量拔俾弁  
兵等知所激勸各以該鎮將等未能盡絕情由一秉至公上年  
有挑兵葉奎剛徇情濫選兵丁呂家之必經臣多摺奏

奏治罪嗣是各鎮協營俱知秉公甄別不致稍有瞻徇惟是旧制  
相沿遵行日久而於弁兵赴考維艱宜酌分遠近之處未經詳  
悉部議今浙江提督陳杰以隔省缺出必需親赴督署考驗  
往來跋涉盤費艱難

奏請酌量辦理經軍機大臣遵

旨飭令妥議具奏遵卽移行查議并准據兩省提督暨藩司查明  
議覆前次目復將各營身廣東城弁提目駐劄地方道里途  
程確加較校悉心籌議查標營千把外委額外委俱有巡  
防操練之責而千把二項其取分較大食廩較優如果人才出  
衆將來少備都守之選似毋庸慮其赴考很難議更日制  
在省水陸提督統統戎行受

恩深重且俱係

皇上深知擢用之人凡遇考拔千撫自能秉公持正不致偏徇私弊  
把之身都守官階相近若竟由提督考拔而提督並未閱其

人材技藝似不足以昭慎重且各營陞拔十樣例由本營鎮將  
考選倘所舉偶有不公提督若預情面不行致飭則適足以  
啓僥倖之端即供總督巡閱時復行考驗查出已難保無貽  
誤營伍應請嗣後粵東西兩省各營千總把總缺出俱仍照  
舊制例由該營呈送提督考驗轉送督臣覆考拔補至綠營  
外委及額外委協同千把亦以並備差遣之用均由兵丁以次考  
拔戰分較小與文職中標戰相等且外委養廉甚微額外  
委例無養廉所得銀亦屬無幾長途赴考資斧艱難况其  
憚於遠涉反足墮其上進之志自應酌量程途遠近各歸就近  
衙門考拔以示體恤且查廣東營伍除目標五營聲聲度

水師營外。左翼右翼高州雷瓊四鎮屬協營。及不隸轄之廣州肇慶二協三水四會理雅海防增城新塘永靖七營。各分駐地方。距廣州省城較近。嗣後遇有額外委額外。委缺出。並請仍由該鎮及各營將領揀送。呈送督部考核。其提標五營潮州碣石南澳三鎮。及不隸鎮轄之惠州一協和平大鵬平海三營。距省城較遠。而身提督所駐之惠州較近。嗣後外委等項缺出。並請改由各鎮營就近送提督考核。仍咨明督部衙門轉咨吏部。分別請創註冊。至廣西各省營內。惟梧州協惟集營二處。高州駐劄地方稍近。然亦有八九百里外。均身提督所駐柳州程途較近。所有考核外委額外。委弁缺

應請統由提督拔補仍移咨提督軍衙門覆咨部以歸畫一  
以分別考選庶微末員弁不致以跋涉維艱而於汛守操防  
亦無虛曠日貽誤矣惟是輿情固宜体恤而考察亦應從  
緩清嗣後凡遇督軍巡閱營伍或因公徑由之便各該營將提  
督新授之外委等員就近呈送赴考以有弓馬軟弱材技不  
堪之人即行斥革辦理其提督經過地方亦將督軍所授之  
員一体考送彼此互相較閱該弁員知有層層考核自必顧惜  
功名認真操練於造就人材之道似為有益且惟有廣加甄  
覈實心教督大小員弁悉成勁旅以仰副我

皇上整頓營伍恩施無已之至意



議添駐弁兵疏 乾隆四十九年

協辦大學士陝甘總督臣福康安謹

奏為酌添營汛分駐官兵丁於陝甘兩省各標營裁移抽撥以裨地方以節經費事竊目前會同大學士公陽桂具

奏酌籌善後事宜因甘省幅員遼廓地廣人稀自延州至省一千餘里道路綿遠汛少兵單擬以安定會寧通渭之馬營盤添設一營六盤山險要之處安設一汛俾控制彈壓此外

通衢大路及險僻小徑俱多添墩堡令聲勢聯絡呼應相通  
於邊疆重地實為有裨以蒙

俞允再行詳悉查將應添營汛兵數分晰妥議具奏奉

硃批該部知道欽此臣查甘省原額設兵五萬六千六百餘名陝省

原額設兵三萬四千五百九十餘名除節次裁撥移駐新疆充  
防養兵及扣餉公糧公費養廉不補外通計陝甘二省止存兵  
五萬五千九百餘名較原額少兵三萬五千二百餘名乾隆四  
十六年欽奉

諭旨以邊陲重地擇衝宜戍特令酌籌添補共添實兵一萬二千七  
百餘名合之舊存兵額約有七萬列鎮分營兵力不為不厚

惟是前此酌添兵數其重在于督撫提鎮各標今各派足兵數  
千以資鎮守而供調遣次則緊要營堡添兵自數百名至數十  
名不等以扼要隘而重稽查至州縣之防禦亦撤成之稀疎今  
未議及百到省後詳加体訪甘省河西各屬原設營堡墩汛  
尚為嚴密惟自蘭州迤東至延州二千餘里道路綿長北控  
延城南通隴蜀兼以崇山峻嶺重複盤迴外則番族環居  
內則民回錯處大路各府州縣原設防兵無幾撤成寥寥不足  
以資防禦今擬于平涼府等處添兵自一百數十名至數十  
名不等則平時已可備差操有不足供守禦又于地方空闊  
處酌添墩堡數十座撥兵分駐俾聲息相通並常令其會哨

周巡則奸宄不至于潛藏而匪徒亦易于緝獲查平涼府原設兵五百名除分防外存城兵止三百六十三名該處地池較大為甘肅門戶今擬添兵一百五十名以足六百五十名經制外委一名額外委三名六盤山要隘處所添一營汛設千總一員經制外委一名額外委一名兵一百名以資防範而附近之底處店潘獻山等處均須稽查彈壓靜寧州原設兵三十五名今擬涼兵一百十五名以足二百五十名經制外委一名額外委一名隆德縣原設兵四十名除分防外存城僅十六名今擬添兵二十四名額外委一名並于通衢大路舊有汛守空闊處添安墩堡三十九座務俾声势聯絡又通渭所屬之馬營監為日時果城民

居稠密南連通渭伏羌北連會亭安定乃道中之地擬于  
該處酌添一營改進擊一員守備一員把總二員經制外委三  
名額外委四名兵五百名酌定存營兵三百名以資控制彈  
壓其餘二百名在于四處扼要之墩堡四十座而附近之石峯  
堡馬家堡守川等處均可巡查稽察庶奸宄不致于潛藏  
又通渭等縣原設額兵太少不但有以不足資捍禦即平  
時亦不敷往來獲解違犯及遞送公文之用今擬于原設額  
兵之外清水縣添兵十名通渭寧遠伏羌津縣各添兵十五  
名礼縣西和秦安兩縣各添兵二十名均足三十名之數以資差  
遣莊浪地方係縣丞分駐添兵三十名三角城等處添兵四十

名又自固原至靖遠四百餘里地方遼闊回民棲處靖遠至省  
三百餘里萬山環繞徑路索紆舊有墩戍甚屬寥落聲勢不能  
聯絡今擬添兵二百二十名分安墩堡四十四處星羅密布庶可  
以壯聲勢而重巡防且通計七次添設營汛共需官弁二十三員  
內遊擊一員守備一員千總一員把總三員經制外委六名額  
外三委十一名兵丁一千三百四十名額外三委印在各兵數內  
核計每年所需額餉三萬四千餘兩仰惟

皇上軫念邊防自不惜斤小費第

一國家經費有常亦不可不通盤籌酌查陝甘下馬湖一營概  
設兵三百二十餘名即有遊擊一員於營制未協該處第有

守備一員足資統轄。應將遊擊裁移馬營。盡分防營。領外於西安軍標撥守備一員。千總一員。把總二員。經制外委三名。固原提標撥把總一員。經制外委二名。寧夏鎮標撥經制外委一名。足敷分駐。所需兵丁一千三百四十名。於督撫提鎮各標及各協營內擇其不近邊關。又非大路。並無番回錯交<sub>處</sub>甚繁要。兵額較多之處。將零星尾數裁移抽撥。已敷應用。以爲通融辦理。則應設營汛墩堡地方。可以照數增添。防守即益森嚴。而各營抽掣兵丁無幾。亦不至兵力單弱。庶

帑不虛糜。兵爲實用矣。

再籌添兵事宜疏 乾隆四十九年

協辦大學士臣陝甘總督臣福康安謹

奏為遵

旨再行籌議添兵事宜仰祈

聖鑒事竊臣議

奏甘省酌添營汛分設官兵一案欽奉

上諭令臣通盤籌畫仰見我

皇上屢念戡殲營制務期益壯聲勢為億萬載治安計目



1

直至涇州千里而遙均居腹地不免汛少兵單又省城東北自

靖遠監茶以至固原所屬之黑城數百里之內以及省城東南  
鞏昌秦州所屬一帶亦因地異衝途稍為異僻是以設兵較少  
亦且墩戍稀疏臣前于善後事宜案內議請于馬營監添設  
一營六盤山添安一汛復于平涼隆德靜寧莊浪等處添設防  
兵並于蘭州至涇州大路暨從固原靖遠監茶迤至省城各處  
審安墩汛計需官弁二十三員兵二千三百四十名即在陝甘各標營  
內酌量抽撥官則于營簡僻營分裁移兵則于兵多營分  
時零數內裁改在新添之處已為資防守而壯聲威而在抽撥  
之營不過裁兵數名至十數名不等于通屬並無防礙乃蒙  
聖主軫念邊防有加靡已今於裁移抽撥之外准再添三千名自

當仰俸

慈怪委協等酌議。查沙州原設二營。尚未足以壯聲勢。今擬增設

城守一營。添都司一員。千總二員。把總外委各四員。兵四百名。新舊共兵二千三百二十名。均勻分派三營。自可無虞。卑弱至通渭。隆德前設添設之兵。計存城不過三四十名。誠少。

聖諭。按處地方遼闊。不敷巡防。今擬于隆德縣添足兵一百五十名。

通渭縣添足兵一百名。又靜寧州一處。係在蘭州汪州道中扼

要之地。西接會寧。東連隆德。南控通渭。之馬營。並右峯堡。

地方。北引秦藍。境接懷。四達之區。實為緊要。今擬設立副

將。於前設兵一百五十名之外。添設三百五十名。共五百名。並添

聖朝

設左右二軍左軍駐隆德右軍駐會寧以成犄角之勢至靜  
寧所添副將查有慶陽協原設副將一員當設協之初係相  
沿舊制因慶陽在北路沿途是以駐劄大員俾資彈壓今中  
外一家北連蒙古均係

臣僕且慶陽西接寧夏東接延榆均有總兵駐劄聲息相通  
似可無須副將營制擬卽令該副將帶同中軍都司移駐靜  
寧以省添設仍于慶陽改設參一員中軍守備一員管領原有  
弁兵以符營制又涇州爲入甘門戶秦州係南路扼要之區今  
擬于涇州添設都司酌增弁目並添兵九十五名合之舊設兵  
一百零五名共二百名秦州再添兵一百七十九名合之舊兵二百

二十一名共存城兵四百名其該州所屬之秦安縣原有兵三十名今擬添兵七十名共一百名並添設千總管領巡防又馬營監底店石峯堡均屬要地前于馬營監設兵五百名足敷防守今擬于石峯堡安設一汛撥安弁目添駐兵一百名再于底店設弁目安兵一百名立營分汛以資彈壓地方聯絡聲勢又安定舊有把總一員兵一百名今議再添兵五十名共足二百五十名即于汛內撥安墩汛其金寧原有把總一員所管兵止三十名今亦擬添足一百五十名其他如金果伏羌西和寧遠漳縣莊浪華亭靈臺鎮原崇信徽縣成縣禮縣清水兩當等十五處舊有之兵多不過五十名少者二三十名至十五名十五不等均屬

短少今議于伏羌金果莊浪各添足兵一百名其餘各果均添  
兵五十名再如九亭驛馬家堡黑城白水鎮安國鎮李旺堡五  
家墩唐家川等處或在大道衝途或係僻路要隘今擬酌添  
兵及新設兵自五十名至一百五十名並酌添弁司官領固地制  
宜均資彈壓再目前議添兵一千三百四十名而將陝甘各營  
兵丁零數抽撥內有秦州河秦沙州鞏昌階州洮州岷州文縣成  
果等營抽撥兵二百二十名在案

皇上

於抽撥之外賞添三千名兵數終屬寬裕且復查沙州等處均  
屬緊要之地且現在秦州暨鞏昌所屬地方內即有以添  
之兵似未便於前項各營內抽裁擬請仍還原數停止抽撥

其所缺兵丁，即在新添兵內撥補。計此案添官弁五十九員，除裁移副將一員、千總一員外，實添設參將一員、都司二員、守備三員、千總十一員、把總十一員。經制外委二十八名，其額外委即  
在兵數之內。又統計前議抽撥，此次加添兵數，共有四千二百三十餘  
名。得此數千勁旅，增入額兵較少之各營果則自省城東路以至涇  
州北路靖遠鹽茶川達固原，暨南路河華秦階一帶，營伍充實，  
墩戍聯絡，計通省河東河西地方，處處有兵，星羅密布，藉資捍衛，  
邊陲少保金湯永固矣。

議陝甘兵儲疏 乾隆五十年

協辦大學士陝甘提督 戶福康安謹

奏為遵

旨籌議奏為竊臣接准

廷寄欽奉

上諭據俞金鰲奏稱聞得從前陝甘兵丁平日皆預備乾糧一遇征調即可剋期起身自平定準噶爾回部之後遂因循不復儲備等語兵丁乾糧自應平時籌辦以備緩急之需以恐有需妨原不妨出陳易新抵焚兵餉著傳諭福康安即留心妥辦以復從前舊制將此遇便傳諭知之欽此遵



旨寄信列目仰見我

皇上睿慮周詳。慮念邊陲要地。期于米雨綢繆。兵刃百年不用。不可一日無備。至貴目檢查舊案。乾隆初年。經署寧遠大將軍。查郎阿條議。陝甘各營原有儲備。每名兵累帶口糧之制。嗣因平定準噶爾回部以後。日久因循。遂停預備。今荷

聖明指示。自應妥為籌辦。以復旧規。惟是旧議每兵一名。預備粟米一京斗。白麵炒麵各十二斤八兩。以為三十日口糧。日竊以累帶粟米。為去新水之處。不能為炊。不以炒麵一項。即可拌食。無須炊爨。且設有軍需。必早則數日。遲或半月。自當安設糧台。若每名累帶一月口糧。計入携帶三十斤。以千人合計。即有三萬斤。勢必于軍裝駃

載之外復添輜重殊形累墜不便過行今酌以每兵備貯炒麵  
十五斤足供半月之糧令各該營核明移交駐劄及附近州縣卽在  
倉貯麥石內支給營員磨炒成熟各製口袋標記本兵姓名收  
貯軍庫仍按季更換散給各兵卽以抵應得月糧以有秋歲不  
謹以致需變不堪食用者卽著落經營營員賠補毋許勤<sub>効</sub>兵  
丁承領仍卽陸續辦製出陳易新源以積貯設遇調遣立時携  
帶起程卽倉料未設糧台而征兵亦不虞枵腹矣但既籌出征  
累帶之糧尤須先有訓練備戰之兵目查陝甘邊地農墾原屬  
重兵所聚嗣因節次裁移並派屯防口外以致實兵較少先于乾

隆四十七年遵

旨議添兵一萬六千七百餘名近復仰蒙

具旨賞添兵三千名現在添營設汛恭布星羅行伍更為充實伏念

國家養士卒原期有一兵即收一兵之用無論馬步均屬少戰之

兵惟是兵多固精責正當于養兵不用之時挑選健壯勤加訓習督

撫提鎮各標具精練之兵多者二三千少者亦不暇千餘名一有

調撥即行帶領出征尤為預備不虞之計即以蘭州省城而論

目下五營額兵三千名除額外委及各營字職均在額兵數

內又有派往口外屯防其實在差操兵共二千七百四十九名加以城

守營現兵五百三名卡內城守營兵分派墩汛及每日押解送

犯護送糧餉等差計不敷用尚須由目標五營兵內撥協又

自軍衙門暨各將弁署內均有該班兵丁統計撥協差者共需七百數十名計此外別無差使可以常行訓練者已挑出二千餘名勤加操演卽該班之兵每日在署仍少親試技藝隨時訓練其准撥看兵亦係輪班下班之兵每于下班之日不廢操演其差兵丁差竣仍令歸伍演習則卡數百名亦屬少以備戰之兵至於操演之法日查向未緣營陣勢止係兩儀四象方圓各式皆係自前朝相沿旧樣平時較閱之屬可現臨時打仗竟無實用在各營演試之時明知所習非所用不免視同具文飭觀塞責自不若京營陣式講拜精詳即如九進十連環等勢果能演習洞熟施之行陣實堪克敵奏功且去年抵省後即仿照京城健

銳火器營陣式摹送提目轉發標營各鎮屬一併照錄存管  
為式演習改去故奪套以收實用再加演習連環原為臨陣擊  
賊之用乃緣營兵丁平日演放帶藥不過數出藥盡而止設遇臨  
敵之時敵未退而藥已尽何能制勝且標演省標各營為鎗連  
環不許拘定出數惟令多帶火藥演放其應否停止悉听臨時  
鈔令庶兵丁演放之際不能預定出數多寡閱時長短豈平常  
標演亦以戰陣之時核久成純熟乃免臨時生疎又緣營施放為  
鎗均係勝根不能擒住鎗靶有似閃子之勢过于高仰以致不  
得準頭且臨陣之時未見賊而鎗已亂放及賊至而藥已將尽更  
復慌悵尤非紀律此皆將弁偷惰因循未經認真訓練之故且

炭防各營以法教演期于發鎗之勢合式可以盡得準頭鎗不虛  
發相習于平時庶不致倉皇于臨必其各兵內習弓箭者打馬  
鎗者演習與上鎗箭者令其每日各照所習之技在各營分  
操逾五之期各營令在一處比試為小合操逾十之期為大合操除  
詳試各項外印操演九進十連環之陣月親往較閱印以兵丁之優  
劣驗將弁之勤惰分別優惡茲值寒冬不令停止並酌量各提  
鎮標之大小令其挑出備戰之兵自三千名以至一千二百名不等  
西安將軍標法標亦酌定兵數均照目標認真操演常各開  
斷務俾技藝盡熟精熟計將軍督提鎮各標共計得二萬  
餘其各協營路額兵多寡不等令定以兵數在三百名以上

者、卽挑出一半、勤加操練、計又可得萬餘、合之兩省、足有三萬餘、  
訓練精熟、一呼卽集、兵將兵丁花名、暨帶兵將弁、注冊籍、由  
各營送目查驗、如有兵丁、及技藝生疎者、卽行裁汰、於冊內  
開除、另挑勇壯入冊補額、仍將各營將弁、預為派定、不派別表  
專責訓練、兵之員、卽領兵之員、供將弁兵素相習、不致臨  
時、兵不顧將、不顧兵、並令教演兵丁之員弁、將都領遵

旨酌議擬行、軍紀律數條、時、告誡提撕、俾知臨陣、退縮者、欲惜命而  
不免刑戮、殊奮勇爭先者、並捐軀而終膺恤卹、賞、庶幾軍律  
嚴明、人性果銳、一定緣營怯懦之習、俾三萬人咸成勁旅、卽此三萬  
之外、不在排比、備戰數內者、仍飭隨時實力操演、不令技藝生

疎期于兵一非所用之兵。至軍兵之際。備帶軍械火藥帳房馬  
匹。均關緊要在衝鋒陷陣之兵。勢難兼顧。必須另兵經營。俾免  
分心。七項兵丁。亦應早為派定若干。另造二冊。將所管軍械鉛藥  
看守帳房牽喂馬匹各差。俱于每兵名下注明。亦送目衛門查  
校。設有緩急。均可按籍而稽。朝調夕發。不虞遲滯矣。至挑兵入伍  
之時。尤為喫緊。查綠營積弊。凡有年老技劣之兵。輒以姑容。佔  
額糜餉。迨出缺挑補時。又賒徇情面。以幼丁當充。更為惡習。目  
抵省以來。遇有目標兵缺。必親自驗補。並移行各提鎮。一體親念  
拔充。仍令戍飭所屬各營員將。旧存老弱兵丁。全行革退。另募  
年力精壯。漢仗高大之人。頂充。毋許徇情濫補。其拴養馬匹。尤



須飼喂飽膳、牧放得地、毋許克減草料、缺額疲瘦、目不時派  
委員查驗、以有情弊、卽行稟實奏參、再行查行軍之法、既有  
勁兵、又資利器、乃外省綠營一切軍械、均非利用、當年查驗去  
虧、仍不免有名無實、卽以鎗靶多係松木製成、外用漆油、徒為  
飭現、而木質鬆脆、不能堅久、目前存軍營所見鎗靶、一經碰  
碰、卽有損壞、當臨陣之時、損壞一桿、卽少一鎗之用、且鎗靶火机  
製造均不合式、以致兵丁施放、不能合手、目下另給式樣、委為製  
造、蓋將鎗靶改為榆木、不施油漆、期于樸素堅緻、施放便利、  
又以礮位演放不勤、卽易銹蝕、且礮手生疎、一時不能得準、至  
弓矢、乃而不死、豈能及遠、又以刀矛、銛造不精、鋒鉞挫鈍、何能

藏敵烏鎗日久不洗必致火門滋滯豈能擊放迅捷似此武備廢弛豈有器械猶之徒手也日幼年早為

天恩待直

內廷覲蒙

聖主教導訓示又曾在軍營學習行走等件粗能儲蓄今為封圻重寄兩省營伍均係臣之專責何敢稍為因循致負我

皇上整飭戎行之至意惟有隨時查驗勤加講習力為整頓經期兵精器利人器相習庶幾有一兵收一兵之用至軍行遇雨必屬尋常全在遇雨之具製備齊全便于攜帶若當乘機進剿之時或因雨濕軍裝逗遛烘烤坐失機宜去年剛塔在馬家

堡之五、為明鑒、已飭各營務將各項器械、預製挽、兩油  
袋、妥為備辦、庶免臨時周章、至火藥鉛丸、尤屬緊要、目前在  
川鎮時、各處均有備貯、火藥三年五年不等、出陳易新、自抵  
陝甘、通查各營、其足備三年之處甚少、加以去年剿賊、復有舊缺  
撥缺、現在移行各提鎮、查明實貯之數、具表列日、再行通盤籌  
酌、另具具

奏  
謹將目遵

旨

備辦征兵裹帶乾糧、並酌挑渡備戰兵丁、及整理軍裝器械、  
各宜恭摺

奏  
伏祈

皇上睿鑒

查明兩廣狼兵狼田原委確數 嘉慶十九年

兩廣總督 臣 蔣攸銘 跪

奏 為 遵

旨查明有田土兵實數並酌加整飭緣由恭摺奏 仰祈

聖鑒 為 竊 臣 接准軍機大臣字寄奉

上諭據御史孫邦長廣貴等奏連省州縣有設立狼兵之處分以

狼田之粮比常額較輕其人隸州縣當差地方官春冬查閱  
近恐有名無實等語決二省狼兵名目始自何時現在是否  
尚循其制着該督等查明以相沿設立既經分給田粮自應  
核實當差該督等卽各飭各屬俾認真訓練以時查閱藉  
資防捕之用毋令虛費田粮有名無實將各諭令知之欽此伏  
查狼兵名目

肇見明史兵志內稱廣西重力最多成化嘉靖之時明王韓  
佳王守仁屢經調遣奏准卽以籍沒賊田派給耕種屬狼兵  
者為狼田人有堡兵隘丁鄉勇土勇耕田棲兵等項與狼兵  
名異實同各給兵田多寡不等賦比常額較輕在廣西境

內為多。廣東則接壤西省之州縣間有數處我

朝仍其舊制。順治康熙年間廣東省經撰汰。西省相沿承。元閏年已久。文卷不全。乾隆二十二年。前督臣楊左矩等奏請整飭土名。將原設鄉兵等項。按額補足。現存軍田查照各兵承耕田數。給予印照營業。毋許民人私售。有案可據。茲目接奉

諭旨

遵即分咨撫臣並行令東西兩藩司確查去後。臣夏間因公赴西省時。隨處詢查。并頒發造冊式樣。通飭各府州縣查明各該處現在兵田實數。畫一造報。以憑核辦。旋據該府州縣等陸續查報。復由藩司等分別議詳前來。臣查粵西地處邊陲。崇山峻嶺。道路之平險。惟土名知之最詳。水土之烟瘴。惟土兵耐之有

國

亦印偵探強種虐實亦惟土兵熟悉情形是以日給軍田輕其耕  
賦平居則耕種巡防有子則徵發調遣洵為寓兵于農以土禦  
土之良法今

家承平日久邊徽牧寧比等土兵或但享耕種之樂漸不習訓  
練之勞非所以重猶疆而裕武備現經戶查明廣西之永之州  
臨桂果等屬實有狼兵及堡兵隘丁等各項每處自一二百名  
至數十名不等廣東惟連平州合浦果二處有狼兵及猛兵樓  
兵等各數十名不等計東西兩省有兵之處每處兵田自百數十  
頃至百餘畝不等印西省之北流陸川二縣其田久經典賣者于  
乾隆年間清查時斷令承買狼田各歲每歲納糧穀糧給兵

領食現亦通行其東省之陽春東安三縣並有狼兵名額但雍正年間已不以充狼田久經典賣從未當差亦兵器早已向青民去并現據供狼人等呈稱情願贖回器械循復旧制等語近百年更張豈易未收实效先取紛紜應請去庸置議外查廣西狼兵及堡兵等實數共五千四百八十五名廣東省狼兵及堡兵等實數共四百一十六名均有田糧足資兵食如果兵不濫之田毋私售原不敢有名無實是在地方官隨時稽察實力奉行狼堡之兵田惟設總長易于管束而總長之管束在在地方官多其責成蓋兵之身家田之界址在總管察無遁情其督率差操稽查貳費較地方官尤易為力應飭嗣後各該兵或差操



不力。惟總長等呈報地方官。校明查照。向例。換照。逃充。或民人  
私售軍田。亦令總長等報官。追究完究。倘總長徇私舞弊。一  
經查出。革退。總長名目。追奪耕田。卽于該處。土名內。擇其年  
壯。技嫻。樸誠。服衆者。另行充補。每歲農隙時。文員。會同。營汛  
定期。操演。其有技藝出衆者。加以獎賞。倘老弱充數。卽止。  
仍將該管。總長。分別革懲。並令該管道府。直隸州。遇有因公。過境  
之便。抽驗。較閱。每值年終。該州縣。各將兵足田存之處。切實詳報。  
此後。該有田多。積售。兵掛虛名等弊。卽將該管官。嚴行查處。似  
此。立定章程。則。非。兵。堡。兵。等項。益資。壯。團。巡。防。之。益。而。田。糧。不  
致。虛。糜。用。副。我。

皇上勤求實政之至意理合將查明東西兩省土兵糧田實數分別開

列清單恭呈

御覽此外尚有廣西南寧府等屬土司地方兵田或造報未能詳晰或

飭催尚未到齊但係同一例應似詳報齊全後稟確實另客報

部存案所有遵

旨查明土兵確數辦理緣由謹會同廣東撫臣董教增廣西撫臣呂又

音合詞繕摺具

奏伏乞

皇上睿鑒再七案因往返飭查有稽時日是以展奏稍遲合併聲明

通籌粵東營制 嘉慶十九年

兩廣提督臣龔攸銘謹

奏為遵

旨通籌粵東營制情形酌議量加汰減揆實衷

奏仰祈

聖訓竊臣接准兵部咨開具奏酌議裁減原額名額應按各該省情

形量其所以裁減若干之處分別辦理其邊要防繁重省分但應就現在情形量其力減若干通盤酌籌亦不必悉還原額俟各省

奏齊校議彙奏等因一摺欽奉

上諭

從來兵制與國賊相權而行我朝廷設各省營兵久有定額其小有  
損益亦就地方情形隨時酌定惟乾隆四十六年添補名額缺  
缺亦一時各省驟添兵六萬六千餘名為數較多迄今三十餘年  
于武備甚無裨益而帑項已多用至四千餘萬前曾降旨令大學士  
軍機大臣會同兵部將增設名額數酌量汰減詳議具奏今  
日議上朕披覽摺內現在各省額兵六十二萬四千餘名較之雍正  
年間及乾隆四十六年以前所增實多自應酌加裁減惟各該省  
情形有今昔不同者亦當熟思審慮各就現在經制參攷先後  
所設兵數況防控制情形應汰應留通盤籌畫庶餉不虛糜

而兵皆足用。著各省撫督山東山西河南巡撫成都將軍沙連清  
運撫督各將所屬標下各營及漢提鎮協等營兵內。每省可  
以汰減若干。據實具奏。彙交原議大臣再行核議。欽此。臣跪誦  
再三。仰見我

皇上

權衡經久。損益因時。于樽節度支之中。寓整飭營伍之意。而  
恭稽經制。併察情形。庶足以杜虛糜。而收实效。伏查粵東省各  
標鎮協等營。原額設馬步戰守兵丁。連外委字職。共六萬二千  
八百一十五名。乾隆四十六年。添補名額缺案內。除外委四百九  
十五名。原有馬步糧餉支食。毋庸挑補外。實添兵五千二百七  
十九名。計每年添支例餉草料等銀。共九萬九千四百六十七兩

零糧料今已共米一萬八千二百六十二石零。所添之兵俱分別地方緊要的添增額建。五十九年因碭州營孤峙海中兵單船少議裁各營驍騎馬兵三百一十四名改給步糧將節存餉料銀兩添設外委今身步糧二名步戰兵五十八名守兵二百四十名又嘉慶十四年因澳門為番夷貿易錯雜之地改設前山營添額外委馬糧二名馬戰兵三十八名步兵二百名守兵一百七十名所需錢糧照奏定章程在于洋商捐輸生息銀兩內支給又十五年因粵東區分水陸添設水師提督裁撤各營馬兵改支步糧將所餘糧餉等銀添設水師提標中左右前四營陽江鎮左右二營共步兵四百名守兵四百名現在粵東省額設馬步戰守

諭旨

兵丁連外委字識共六萬九千五百零四名內除外委及額外外委各身馬步名糧共五百九十七名外計馬步戰守兵丁連字識實六萬八千九百零七名茲臣仰蒙

令就汛防控制情形將應裁應留通盤籌畫據實具奏且敢不悉心籌議規畫萬全查粵東為瀕海要區外接夷洋界連閩楚水陸交錯島澳紛歧巡緝操防在在均關緊要是以乾隆四十六年名糧補額案內添兵五千二百七十九名之後復因碭洲澳門均屬要地及增設水師提督時節次奏明又添兵一千四百一十名以資控禦今粵海已大段肅清而東防閩省竄匪西接越南夷洋水師分段巡緝不可少懈陸路則地方遼闊各塘汛

均勻散布布營擇兵中不為多且港汊紛歧巖箐深邃全匪  
土匪尚須隨時搜捕所有乾隆四十六年以後議添之兵各營現  
兵曠缺並尚有相度終急通融撥配暨添派文員巡船壯勇  
協捕之兵毋庸提鎮諸臣通盤籌畫通省據營各兵似  
難率請汰減惟查營馬一項在西北諸省最係操防得力第  
粵東素不產馬向赴廣西柳州府購買馬身矮小易幽燕  
代粟所產迥殊且地乏黑豆亦無乾豆草只用料米青草喂養  
滋驍壯而不結實在本省已非勁健設遇調遣更難連道馳驅  
況粵東四面環海內沙支港處處可通舟楫遇有差違緝捕  
等項水路固須要駕艇陸路半由深林峻嶺亦惟爬越攀登



不藉馬力。至擬隊演陣。不特馬力方習。馬箭。中步兵亦有素  
諳騎射之人。是以前督臣百齡等奏。區分水陸案內。已議  
裁馬一千餘匹。此次詳加核算。除水師水營現額存馬二百六  
十四匹。數卒不多。應毋庸汰。減外。所有陸路水標營。共額存馬  
三千二百三十三匹。為數尚多。應分別酌量。以備操演。擬隊差遣。  
其其餘各營。量為請減馬額。擬將月本標裁馬七十三匹。核  
據裁馬四十匹。陸路提標及轄屬各營。共裁馬五百八十三匹。統  
計酌裁馬六百九十六匹。一律將馬兵改作守兵。計每歲節省  
餉銀八千三百五十二兩。料米折銀三千八百七十三兩三錢五分。  
三厘。草折銀一千六百八十六兩六錢五分四厘。例報倒斃馬價

銀一千九百六十二兩共銀一萬五千八百七十四兩零七厘又本色  
米七百一十六石八斗九斗三合五勺其裁馬六百九十六匹應行交  
價照例每匹價銀一十八兩共銀一萬二千五百二十八兩俟交價  
後報解充餉以此一移移間並未足抵從前添補名餉之數  
而兵額去歲短缺不誤操防今糧稍少節省仍去空碼較  
之汰減實兵似為妥協再現在各營以有報例馬匹查係原裁  
額馬營分印于嘉慶二十年正月為始毋庸買補統以二十  
二年十二月底為止分限三年統令裁足則各營陸續交價  
解銀辦理不致竭蹶又裁馬之後馬兵仍准食步戰糧俟  
遇有步糧缺出即募補守糧庶兵額適相符合除造冊

欽定大清會典事例  
卷一百一十五  
兵部  
咨送軍机處兵部查核外，謹會同核目董

署陸路提目何，合詞恭摺展

奏，並繕議裁馬頭及錢糧數目清單，敬呈

御覽，是否有當，伏乞

皇上睿鑒訓示，再廣西各標營，應否汰減，因奉文特，廣西提目旋叩  
出缺，目現身按目台斐音署提目李錦麟往返札商俟酌  
定後再行會同妥議具奏，合併聲明